

d'auoir appris la verité: Neantmoins nostre Seminarifte *Teouatirhon* perfeuerant dans la volonté de retourner voir ses parès, notamment sa mere qui est fort aagée, pour la foulager en ce qu'il pourroit dans leur maladie commune, nous luy donnafmes congé; d'autant plus volontiers qu'il nous promit d'aller voir le P. de Breueuf, pour continuer dans la bonne instruction qu'on à commencé de luy donner au Seminaire. Et afin de l'obliger d'auantage à garder ce bon propos, le P. Paul Ragueneau que i'enuois aux Hurons s'embarqua avec luy dans vn mesme canot. Comme ils s'en alloient tous deux bien contens, l'vn de ce qu'il s'alloit sacrifier à la croix de Iesus Christ pour sa gloire, l'autre de ce qu'il s'en retournoit en son païs, voilà qu'ils rencontrent en chemin *Taratouan*, braue Capitaine qui descendoit aux [219 i.e., 215] François. Celuy cy voiant nostre *Teouatirhon* son nepueu, le tance, commēt, luy fit-il, mon nepueu, quittez vous ainsi les François, qui vous ont si bien traitté? Ce pauvre ieune garçon n'eust plus de parole, sinon pour tesmoigner qu'il estoit prest de retourner d'où il venoit. Allons donc, luy fit son oncle, embarquez vous dans l'vn des canots qui me fuiuēt car ie vous veux moy-mesme remener. Il obeit sans replique, prend congé du P. Ragueneau qui tire outre pour fuiure son chemin, avec les autres Hurons qui le cōduisoient, se mist en la compagnie de *Taratoüan*, pour nous venir reuoir. Comme ils s'en venoient doucemēt dans le grād lac de S. Pierre, qui n'est pas beaucoup esloigné de nostre habitation, ils tombēt dans vne embuscade d'Hiroquois leurs ennemis, & les nostres. *Taratoüan*, marchant le premier, est le premier entouré. Ces demi demons fortent